



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Број/Број: 06/7-50-13-107-16-3/11
Сарајево/Сарајево, 28.11.2011.

Z A P I S N I K

16. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine

(u daljnjem tekstu: Nezavisna komisija),

održane 28.11.2011., s početkom u 14 sati

PRISUTNI ČLANOVI NEZAVISNE KOMISIJE: Mile Lasić, Semiha Borovac, Milana Škipina, Damir Čačković i Predrag Crnogorac.

OSTALI PRISUTNI: Privremeni sekretar Nezavisne komisije Eldina Smailagić.

Sjednicu je otvorio i njome predsjedavao predsjednik Nezavisne komisije Mile Lasić koji je istakao da je u pozivima za ovu sjednicu dostavljen predloženi dnevni red te pozvao članove da iznesu eventualne prijedloge za izmjenu ili dopunu predloženog dnevnog reda.

Drugi zamjenik predsjednika Nezavisne komisije Predrag Crnogorac predložio je da se dnevni red dopuni još jednom tačkom a to je posjeta KPZ-u Zenica koju bi članovi Nezavisne komisije obavili neposredno nakon posjete KPZ-u Busovača. Kao razlog posjete KPZ Zenica gop. Crnogorac naveo je informaciju koju su prenijeli pisani i elektronski mediji o torturama koje trpe zatvorenici srpske nacionalnosti u KPZ-u Zenica.

Predsjednik Nezavisne komisije je navedeni prijedlog stavio na glasanje te je Nezavisna komisija jednoglasno usvojila dopunjeni

D N E V N I R E D

1. Usvajanje Zapisnika 15. sjednice Nezavisne komisije;
2. Usvajanje Izvještaja o posjeti KPZ-u Foča;
3. Usvajanje Zapisnika o posjeti KPZ-u Sarajevo;
4. Usvajanje Izvještaja o posjeti KPZ-u Sarajevo;
5. Utvrđivanje Radnog naloga za posjetu KPZ-u Busovača;
6. Utvrđivanje Radnog naloga za posjetu KPZ-u Zenica;
7. Tekuća pitanja.

Ad.1. Usvajanje Zapisnika 15. sjednice Nezavisne komisije

Zapisnik 15. sjednice Nezavisne komisije usvojen je jednoglasno, bez primjedbi.

Ad.2 Usvajanje Izvještaja o posjeti KPZ-u Foča

U vezi s ovom tačkom dnevnog reda, predsjednik Nezavisne komisije upoznao je prisutne članove da su dopisom KPZ-a Foča broj: 01-1029/11, od 8.11.2011., dostavljeni potrebni podaci za izradu kvalitetnog, objektivnog i nepristrasnog izvještaja o posjeti Nezavisne komisije KPZ-u Foča.

Zatim su članovi Nezavisne komisije detaljno razmotrili dopis KPZ-a Foča broj: 01-1029/11, od 8.11.2011., i prijedlog izvještaja o posjeti KPZ-u Foča.

Izjašnjavanje o ovoj tački dnevnog reda odgođeno je za narednu sjednicu Nezavisne komisije.

S obzirom da je rasprava o prethodnoj tački dnevnog reda trajala dosta dugo, članovi Nezavisne komisije dogovorili su se da usvajanje Zapisnika o posjeti KPZ-u Sarajevo i usvajanje Izvještaja o posjeti KPZ-u Sarajevo odgode za narednu sjednicu.

Zatim su članovi Nezavisne komisije prešli na raspravu o 4. tački dnevnog reda.

Ad.4. Utvrđivanje Radnog naloga za posjetu KPZ-u Busovača

Članovi Nezavisne komisije jednoglasno su usvojili Radni nalog za posjetu KPZ-u Busovača, koja je planirana i najavljena za 29.11.2011., u 9 sati.

Ad.5. Utvrđivanje Radnog naloga za posjetu KPZ-u Zenica

U okviru ove tačke dnevnog reda, Nezavisna komisija dobila je informaciju od pomoćnika ministra pravde Mustafe Bisića da je zatvorenika Nemanju Jovičića, koji kaznu izdržava u KPZ-u Zenica i koji se žalio na torture koje trpe zatvorenici srpske nacionalnosti u KPZ-u Zenica, osudio Kantonalni sud u Sarajevu te da ne spada u nadležnost Nezavisne komisije. Na osnovu navedene informacije, članovi Nezavisne komisije odustali su od posjete KPZ-u Zenica planirane za 29.11.2011.

Predsjednik Nezavisne komisije Mile Lasić zaključio je sjednicu u 20,30 sati.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić